

17/8/2017

## Piala Datuk Bandar inisiatif tarik penyertaan golongan muda bersukan

PASUKAN Majlis Perwakilkan Penduduk (MPP) Zon 23 berjaya menewaskan pasukan MPP Zon 11 dalam Pertandingan Akhir Liga Bola Sepak MPP Shah Alam 2017 bagi merebut Piala Datuk Bandar.

Ketua Bahagian Korporat & Perhubungan Awam Majlis Bandaraya Shah Alam (MBSA), Shahrin Ahmad berkata, dalam perlawanan sengit itu, MPP Zon 23 berjaya menewaskan MPP Zon 11 melalui sepakan penalti 11-0 setelah perlawanan sebenar yang berkesudahan dengan kedudukan seri 1-1.

Menurutnya, perlawanan tersebut berlangsung di Stadium Melawati Shah Alam pada Ahad lalu.

"Perlawanan itu diadakan bagi membuka peluang kepada orang ramai

khususnya golongan muda di Shah Alam untuk bergiat aktif dalam aktiviti sukan, sekaligus menggalakkan masyarakat mengamalkan kehidupan yang sihat dan cergas.

"Ia juga merupakan platform untuk memperkenalkan MBSA sebagai PBT yang bertanggungjawab serta peka terhadap pembangunan modal insan di kalangan penduduk Shah Alam.

Ia juga mengeratkan lagi hubungan silaturahim antara MPP Shah Alam," katanya kepada pemberita ketika ditemui di sini.

Selain itu, katanya, turut diadakan perlawanan bola sepak persahabatan pilihan Datuk Bandar Shah Alam dan ahli-ahli majlis MBSA pada waktu yang sama.



Perarakan pasukan pilihan ahli majlis dan pasukan pilihan Datuk Bandar Shah Alam.